

Pergunta



9. Klima ohin loron, iha mudansa boot, bai loron no udan la tuir ona nia tempu, no iha tempu ne'ebé hanesan Illa ki'ik sira balun atu hahú mout/lakon (*Eze: Kiribati, Vanuatu, Maladeva no nasaun seluk*) tanba tasi kontinua sa'e hodi populasau barak tenke husik sira nia hela fatin no ba buka fatin seluk. Kauza hosi mudansa Klimátika tanba indústría boot sira inklui atividade mina-rai no gas kontinua as. Polítika saida mak ita boot nia partidu sei halo atu redús no hapara mudansa klimátika?
10. Daudauk ne'e Timór-Leste iha esforsu boot atu sai membru ASEAN, maibé infelizmente iha estadu ASEAN barak sei iha violasau direitus umanus grave no korrupsau boot, sira mós apoiu okupasaun iha TL husi Indonézia, no seidaun barani ko'alia kona-ba diktator Mianmar no okupasaun Papua-Oeste. Karik Timor-Leste sai nudár parte ASEAN iha futuru, polítika saida mak ita-boot nia partidu sei trasa atu ajuda hodi hamenus violasau direitus umanus iha ASEAN laran?
11. Prezidente Lu-Olo promulga Lei tolu kona-ba asesu ba rai iha 2017, maibé lei sira ne'e iha aspetu balun ne'ebé la fó benefísiu ba povu ki'ik sira. Karik eleitu, polítika saida mak ita-boot sira sei halo atu ajuda povu ki'ik sira hodi haforsa direitu ba asesu ba rai no atu proteje povu kontra espropriaun no eviksaun ilegál ka labele justifika?

12. Durante dékada ikus ne'e, governu aloka maizumenus tokon \$37-40 kada tinan atu dezenvolve setór agrikultura, no aloka osan barak liu ba mega-projetu sira, pensaun ba veteranu sira, no burokrasia públiku. Saida mak ita-boot sira hanoin kona-ba polítika ne'e? Timor-Leste bele kontinua nafatin hanesan ne'e ba futuru?
13. Tinan-tinan, Timor-Leste importa ai-han husi rai-li'ur, no defisit komérsiu ba bens no servisu liu biliaun ida kada tinan, Tuir BCTL, defisit iha 2022 (la inklui esportasaun mina no gas no retornu investimentu FP nian) mak biliaun \$1.4. Iha 2021 bn\$1.5, 2020: bn\$1.3. Maske nune'e, portu Tibar tama ona iha operasaun no fasilita importasaun. Maibé, produktu baratu importa husi li'ur halo difisil liu tan ba agrikultór sira iha rai laran hodi kompete, no ida ne'e hamenus ita nia produsaun. Polítika saida mak ita-boot sira nia partidu sei halo atu hamenus importasaun no maximiza produsaun lokál ba konsumsaun lokál?
14. Relatóriu CAVR "Chega!", KPP-HAM Indonézia, Komisaun Peritu ONU nia, no mós Timor-oan barak, inklui ANTI rekomena atu kria Tribunál Internasionál hodi julga autór krime kontra umanidade iha Timór-Leste husi tinan 1975-1999. Maibé, autór krime grave sira ne'e nafatin livre iha Indonézia no kaer podér boot, no sira seidaun ba hatán iha tribunál. Polítika saida mak ita nia partidu sei halo atu hakotu impunidade ba krime pasadu?
15. Durante ne'e lider no partidu Polítiku balun promove atu avansa ho lei defamasaun no lei sibernetika, Polítika saida mak ita-boot sira nian partidu Polítiku iha atu asegura direitu ba seguransa no liberdade espresaun no imprensa nian?



Email : laohamutuk@gmail.com
Website : <http://www.laohamutuk.org>
BlogSpot : laohamutuk.blogspot.com
Facebook : www.facebook.com/laohamutukTL

Hanoin Molok Atu ba Vota



Husu Partidu Polítiku Sira nia Mehi Bainhira Ukun

La'o Hamutuk
Rua: Martires de Patria, Bebora

Tel: +670 3321040,
77234330

Introdusaun

Iha 21 Maiu 2023, ita sei ejerse, hodi hili fali partidu polítiku sira atu ba tuur iha Parlamentu Nasionál nune'e mós Governu foun ba periodu 2023 - 2028.

Hanesan sidadaun, ita iha direitu atu hatene vizaun no programa importante sira hosi Partidu Polítiku sira mai-bé importante mós atu hatene maneira/polítika ne'ebé Partidu Polítiku sira halo, hodi aseguira sustentabilidade moris povu nian, no ba rai doben ida ne'e.

Atu hatene ida ne'e, La'õ Hamutuk prepara pergunta sira ne'ebé pertinente, atu ita boot bele husu ba partidu polítiku sira durante halo kampaña ka iha durante diskusaun balun, atu ita bele hatene di'ak liu Partidu Polítiku sira nia preparasaun no polítika ba ukun nian.

Ba Eleisaun Parlamentár tinan 2023 - 2028, iha Partidu Polítiku hamutuk 17 mak sei kompete, kompara ho tinan sira liu ona. Iha tinan 2012 no 2017 Partidu Polítiku sira hamutuk 21.



Pergunta

1. Ami hakarak atu hatene, oinsá ho ita boot sira nia Partidu Polítiku, nia Vizaun Estratójiku atu lori povu no nasaun durante tinan lima oin mai bainhira ba ukun?
2. Programa prioridade saida mak partidu ne'e lori hodi konvense votante sira? no hatudu katak ita-boot sira nia programa mak di'ak liu ba Timor-Leste?
3. La'õ Hamutuk nian analiza no Ministériu finansa aviza previzaun ida kona-ba krize finanseiru durante tinan 10 tuir mai, bainhira laiha reforma fiskál forte no laiha produsaun kampu mina no gas foun. Polítika saida mak ita-boot sira nian partidu iha, atu prevene Timor-Leste tama liu tan ba krize austeridade no rai naruk fiskál?
4. Relatóriu ikus husi BCTL hatudu katak fundu Petrolíferu sei iha biliaun \$17, nune'e Polítika no estratójia saida mak ita-boot sira nian partidu iha, atu fundu petrolíferu sai oportunidade ba prodús rekursu umanu forte, qualidade umanu no harii alizerse ekonómiku ida diversifikadu no sustentável?
5. Projetu Petrolíferu kontinua sai agenda polítiku partidu balun nian – Greater Sunrise Seidauk iha estudu independente kredível ne'ebé konfirma másimu benefísiu ba Povu Timor husi dezenvolvimentu kampu ida ne'e, Polítika saida mak ita-boot nian partidu iha ba konseitu dezenvolvimentu Greater sunrise?
6. Daudauk ne'e, Timor-Leste nia povu, feto no labarik sira seidauk hetan edukasaun no saúde ho kualidade, maibé alokasaun iha orsamentu estadu kontinua menus duké aeroportu, portu, projetu Tasi Mane, ZEESM no estrada boot sira. Saida mak ita boot nia partidu sei halo atu resolve problema ida ne'e?
7. Timor-Leste nia populasaun maioria ho idade nurak no foin-sa'e. Foin-sa'e barak too oras ne'e laiha servisu no universidade sira kontinua prodús graduadu barak, maibé kampu de traballu limitadu liu atu simu sira, no número empregu iha setór privadu tun tinan-tinan, maske populasaun ho idade servisu kontinua sa'e. Oinsá partidu polítiku sira nia programa atu kria kampu traballu no apoia sira hodi halo negósiu para atu substitui ka hapara importasaun?
8. Timor-Leste asina ona kontratu empréstimu ho valór total tokon \$900, no iha planu atu foti empréstimu ho valór biliaun \$1.2 entre 2017-2021. OJE 2023 autoriza governu atu asina akordu empréstimu foun to'o tokon \$200 durante tinan 2023, maibé ita laiha informasaun kona-ba futuro. La'õ Hamutuk haree katak deve sei sai problema boot ba Timor-Leste bainhira mina maran ona no Timor-Leste tenke selu ba ninia kreditór sira. Ita boot nia partidu konkorda ho polítika empréstimu ida ne'e? Se lae, oinsá mak ita boot sei evita Timor-Leste nia deve kontinua sa'e to'o nivel ne'ebé la sustentável?